

大元聖政國朝典章

詔令卷之一

典章一

世祖聖德神功文武皇帝

皇朝通志卷之四十四 聖德神功文武皇帝 中興 四年 四月初六日 欽奉

詔旨 節文 朕惟

祖宗肇造區宇奄有四方武功迭興文治多闢五十餘年於此矣蓋時有先後事有緩急天下大業非一聖一朝所能兼備也

先皇帝即位之初風飛雷厲將大有為憂國愛民之心雖切於已尊賢使能之道未得其人方董夔門之師遽遺鼎湖之泣豈期餘恨竟弗克終肆予冲人渡江之後蓋將深入焉乃聞國中重以食軍之擾黎庶驚駭若不能一朝居者予為此懼駟騎馳歸目前之急雖紓境外之兵未戢乃會群議以集良規不意宗盟輒先推戴左右萬里名王臣僚不召而來者有之不謀而同者皆是咸謂國家之大統不可以曠神人之重寄不可暫虛今日

太祖嫡孫之中

先皇母弟之列以賢以長止予一人雖在征伐之間每存仁愛之念博施濟衆實可為天下主天道助順人謀與能

祖訓傳國大典於是乎在。朕敢不遵朕峻辭固讓。至於再三。祈憫益堅。誓以死請。於是俯循輿情。勉登大寶。自惟寡昧。屬時多艱。若涉淵水。罔知攸濟。爰當臨御之始。宜新弘遠之規。祖法變通。正在今日。務施實德。不尚虛文。雖承平未易遽臻。而飢渴所當先務。畧舉其切。時便民者。條列于后。條書見各類於戲曆數。攸歸欽應。

上天之命。勳親斯托。敢忘。

烈祖之規。建極體元。與民更始。朕所不逮。更賴我遠近宗族。中外文武同心協力。默可替不否之助也。誕告多方。朕之至意。故茲詔示。想宜知悉。

○詞中統元年五月 日欽奉

祖宗以神武定四方。淳德御群。下朝廷草創未遑。潤色之文。政事變通。漸有綱維之目。朕獲繼舊服。載播不圖。稽

列聖之洪規。講前代之定制。建元表歲。示君人萬世之傳。紀時書王。見天下一家之義。法春秋之正始。朕大易之乾元。炳煥皇猷。權輿治道。可自庚申年五月十九日。建號為中統元年。惟即位。朕元之始。必立經陳。紀為先。故內立都省。以總權綱。外設總司。以平庶政。仍興利除害。之真補偏救弊之方。隨詔以頒。申畫于后。條書各見本類。於戲。東鈞。搢樞必因時而建。號施仁發政。期與物以更新。敷宣惻惻之辭。表著。

勤勞之意凡在臣庶朕予至懷故茲詔示想宜知悉

○聖祖中統五年八月 日欽奉

聖旨中書省奏開平府關廐所在加號上都外燕京修營宮室分立省部四方會同乞亦正名事准奏可稱中都路其府號大興布告中外使聞知

○聖祖至元元年八月十九日欽奉

詔書即該應天者惟以至誠拯民者莫如實惠朕以菲德獲承

慶其內難未戢外兵弗戢夫豈一日于今五年類

天地之界矜暨

祖宗之垂裕凡我同氣會於上都雖此日之小康敢朕心之少肆比者星

芒示儆雨澤衍常皆關政之所繇顧斯民其何罪且布惟新之令漣

施在宥之仁撫不魯花忽察脫滿阿里察脫火思董構禍我家照依

成吉思皇帝扎撒巴正典刑詭可大赦天下改中統五年為至元元年自

至元元年八月十六日昧爽以前除殺祖父母父母不赦外其餘罪

無輕重咸赦除之開云云於戲否往來不迂續耳嘉之會鼎新革故

正資輔弼之良咨尔臣民体予至意敢以赦前事相告者以其罪罪

之故茲詔示想宜知悉

○聖祖至元六年二月十三日欽奉

詔書朕惟字以書言言以紀事此古今之通制我

國家肇基朔方俗尚簡古未遑制作凡施用文字因取模楷及衛元字以達本朝之言考諸逸金以及返方諸國制各有字今文治寔興而字書方闕其於一代制度寔爲未備故特命

國師八思馬剌爲蒙古新字譯寫一切文字期於順言達事而已自今已往凡有聖書頒降並用蒙古新字仍以其國字副之所有公式文書咸遵其舊

○國朝通鑑至元八年十一月日敘奉

聖旨誕膺景命奄四海以宅尊必有美名紹百王而紀統肇從隆古匪獨我家且唐之爲言湯也堯以之而著稱虞之爲言樂也舜因之而作號馴至禹興而湯造五名夏大以殷中世降以還事殊非古雖乘時而有國不以義而制稱爲秦爲漢者蓋因初起之地名曰隋曰唐者又即始封之爵邑是皆徇百姓見聞之徂習要一時經制之權宜槩以至公得無少貶

我太祖聖武皇帝握乾符而起朔上以神武而膺帝圖肆振天声大恢土宇輿圖之廣歷古所無頃者蒼伯詣庭奏章伸請謂既成於大業宜早定於鴻名在古制以當然於朕心乎何有可建國號曰大元蓋取易經乾元之義故大治流形於庶品孰名資始之功予一人底寧於

萬邦尤切體仁之要事從因章道協天人於戰稱義而名固匪為之
溢美子休為永尚不負於投獻嘉與數天共隆大既咨尔有衆休子
至懷故茲詔示想宜知悉

○至懷故茲詔示想宜知悉

日欽奉

聖旨蓋聞自古帝王之治天下也莫不立后以正家建儲以定國朕自纂
承大統之後即命皇后弘吉刺氏正位中宮仰惟

太祖聖武皇帝之遺訓俯協諸王昆弟之會言乃立家嫡燕王真金為皇
太子積有日矣比者朝臣懇奏冊寶之禮宜即舉行已於今年二月
十二日授皇后以玉冊寶章授皇太子以玉冊金寶從典禮也次爾
懷生休子至意故茲詔示想宜知悉

○至懷故茲詔示想宜知悉

皇帝聖旨宣諭伯顏為頭行中書省官人每及蒙古漢軍萬戶千戶衆軍
人等親自

太祖皇帝以來彼宋與我使介交通殆非一次彼此曲直之事亦所共知
不必歷舉邀我

○至懷故茲詔示想宜知悉

命南伐師次鄂渚彼貴然道遠遑遑宋京詣我近臣博都歡前河南路
經略使趙葵請罷兵息民願奉歲幣于我朕以國之大事宗親在上

必須入計用報而還即位之始追憶是言乃命翰林特講太子郝經等奉書往聘蓋為生靈之計也古者兵交使在其間惟和與戰直詞報音其何與於使哉而乃執之卒不復命至如屈此一二行李於此何損在彼何益以致師出連年邊境之間死傷相藉係累相屬皆彼宋自禍其民也襄陽被圍五年旅拒王師義當不貸朕先有成命果能出降許以不死是既降附之後朕不食言悉全其命冀宋悔過或啓令圖而乃迷執罔有悛心所以問罪之師有不能已者今遣爾等水陸並進爾等當布告遐邇夫以天下為事及于戈自古有之無辜之民初無與焉若彼界軍民官吏人等去逆効順與眾來附或別立奇功者驗等第官賞其權其所附軍民宜嚴勅將士毋得妄行殺掠父母妻孥家口毋以分散仍加賑給令得存濟其或固拒弗從及迎敵者俘戮何疑故茲詔示想宜知悉

○ 賜諭 至元十二年二月日

皇帝聖旨宣諭臨安府以汝新附府州司縣官吏士民軍卒諸色人等間者行中書省右丞相伯顏遣使來奏送母后幼主泣諸大臣百官已於正月十八日實豐嚴奉表降附朕惟自古降主必有朝覲之禮已遣使持符迎致亦已吏軍民人等各守職業其勿妄行事理區處于

右見台對政各類

○兩漢時歷至元十七年六月欽奉

聖旨自古有國牧民之君必以欽天授時爲立治之本黃帝堯從以至三代莫不皆然爲日官者皆世守其業隨時考驗以與天合故曆法無數更之弊及秦滅先聖之術每置閏於歲終古法蓋殫發矣由兩漢而下立積年日法以爲推步之準因仍必襲以迄于今天運流行不息而欲以一定之法拘之未有久而不差之理差而必改其勢有不得不然者今命太史院作靈臺制儀象日測月驗以考其度數之真積年日法皆所不取庶幾脗合天運而求終無弊乃者新曆告成賜名曰授時曆自至元十八年正月一日頒行布告遐邇咸使聞知

○兩漢時歷至元二十一年正月一日欽奉

聖旨節該諭中書省樞密院御史臺內外大小官吏軍民諸色人等惟我祖宗創業垂統區宇之廣衆所悉知其御下也爲善而有功者必賞爲惡而有罪者必罰此我

祖宗之定制也比者公卿耆舊誦闕洋洋章謂朕壽祉方隆奉進冊寶請上尊號爲法大慶宜布寬條效用播告中外九爾有衆自今以始各終惟新無替朕命故茲詔示想宜知悉

○兩漢時歷至元二十四年閏二月欽奉

皇帝聖旨鈔法之行二十餘載官吏奉法不度以致物重鈔輕公私俱弊

此者廷臣奏請謂法弊必更古之道也朕思嘉之其造至元寶鈔頒行天下中統寶鈔通行如故率至元寶鈔壹貫文當中統寶鈔五貫文子母相權官民通用務在新者無冗舊者無廢上不虧國下不損民其聽毋忽朕不食言故茲詔示想宜知悉

成宗欽明廣孝皇帝

○至元三十一年四月日欽奉

皇帝聖旨朕惟

太祖聖武皇帝受

天明命肇造區夏

聖聖相承光胤前緒迨我

先皇帝體元居正以來然後典章文物大備臨御二十五年溥海內外罔

不臣屬宏規遠畧厚澤深仁有以衍

皇元萬世無疆之祚我

昭考早止儲位德盛功隆天不假年四海缺望顧惟眇質仰荷

先皇帝殊眷往歲之夏

親授皇太子寶付以撫軍之任今春

宮車遠馭奄棄臣民乃有宗藩昆弟之賢殿覽官僚之舊謂

在說不可以違神器不可以曠體承

先皇帝夙昔付托之意合辭推戴誠切意堅朕勉徇所請於四月十四日即
皇帝位可大赦天下自四月十五日昧爽以前除殺祖父母父母妻
妾殺夫奴婢殺主不赦外其餘一切罪犯已發覺未發覺已結正未
結正罪無輕重咸赦除之敢以赦前事相告言者以其罪罪之欽此

○
聖旨禮莫大於正名孝宜先於報本朕仰繩

祖武不忽皇圖惟

昭考之仁明微稱未著特

慈闈之鞠育大德難酬爰當踐祚之初首篤尊親之義謹依故事追尊
皇考曰皇帝尊

太母元妃曰皇太后其應合行典禮令有司以次討論以聞咨爾臣民各
子至意故茲詔示想宜知悉

○
聖旨節文朕嗣天歷服祇奉

宗廟合寧神所以為孝登福所以錫民迺者恭惟

世祖聖德神功文武皇帝

昭睿順聖皇后

裕宗文惠明孝皇帝請謚于

南郊奉冊于

大室有嚴

吉亨咸薦

微稱惟播告之修溥德施於天下代有故常其可弗率朕初政所欲
行之事姑以數條申畫于后云云於載繼志述事答

祖宗在天之靈發政施仁示民物皆春之意故茲詔示想宜知悉

○大德元年十一月 日欽奉

聖旨朕荷

天洪禧承

祖不業守成繼統弗替於孝思踰年改元勉遵於舊典後端伊邇紀號惟
新可改至元二十二年為元貞元年咨爾有衆休予丕主懷故茲詔示

想宜知悉

○大德元年二月 日欽奉

聖旨節文朕荷

天地之洪禧承

祖宗之不祿仰遵成憲庶格和平比者藥木忽見兀魯速不花朵兒朵壤
等去逆設順率教內附畢會宗親釋其罪及通星芒之垂象豈天意
之微乎宜推一視之仁裂布更新之政可改元貞二年為大德元年
所有詔條開列于後見聖政類於戲側躬修行咸據奉若之誠
革故從新聿底雍熙之治咨尔臣庶臚予至懷故茲詔示想宜知悉

○
大德三年十二月 日欽奉

聖旨聖哲造邦始于宮壘蓋風化之原人倫之本冊后有儀前代令典
世祖聖德神功文武皇帝已嘗舉行朕即位之初立三元勳世戚伯岳吾氏
為皇后然典禮未備比遵

先制於十月十五日授以玉冊玉寶既正位於長秋宜渙頒於大號故
茲詔示想宜知悉

○
大德九年六月 日欽奉

皇帝聖旨推我

太祖聖武皇帝

世祖聖德神功文武皇帝規模宏遠預建儲嗣式與古合朕恪遵

祖宗成憲允協昆弟會言之子嫡子德壽為皇太子茲有日矣比者遠近宗

親復以為請又中書百司及諸老臣請授冊寶昭示中外朕俯從衆願於
今月五日授以皇太子寶所有冊禮其如常制屬茲盛舉宜布新恩條畫
見后聖訓各類於戲慶衍無疆既正名於國本仁同一視尚均福於
黎元故茲詔示想宜知悉

武宗統天繼聖欽文英武章孝皇帝

○西曆大德十一年五月 日欽奉

白皇帝聖旨并我

太祖皇帝以武功定天下

世祖皇帝以文德治海內

列聖相承不銜無疆之祚朕自

先朝肅將天威撫軍朔方殆將十年親御甲冑力戰却敵者屢矣方諸蕃

內附邊事以寧遠聞

宮車晏駕適有宗室諸王貴戚元勳相與定策於和林咸以朕為

世祖的孫之嫡

於皇正派之傳以功以賢宜膺大寶朕謙讓未遑至于再三還至上都宗

親大臣稟請于朕間者好臣棄隙謀為不軌賴

祖宗之靈 母弟愛育勅授力八達稟命

太后恭行天罰內難既平神器不可久虛

宗祧不可乏祀合辭勸進誠意益堅朕勉循輿情於五月二十一日即
皇帝位任大守重若涉淵水屬嗣服之云初其與民而更始可大赦天下
自五月二十二日昧爽以前除謀殺祖父母父母夫妻妾殺夫奴婢殺
主不赦外其余已發竟未發竟已結正未結正罪無輕重咸赦除之
敢以赦前之事相告言者以其罪罪之所有便民事且畫列于后見
后聖政各類 於戲丕承丕顯敢忘持守之心于蕃于宣勉効忠勤之
力共毗新政聿底隆平咨爾多方体予至意故茲詔示想宜知悉

皇太后聖訓 大德十一年五月 日錄奉

皇帝聖訓 蓋聞孝治天下者王政所先養以天下者尊稱為大朕恭承

先德寅紹丕基愴

昭考之長違賴 慈闈之篤祐方術無疆之慶曷勝報本之情謹依

先朝成憲追尊

皇考曰皇帝尊

太后元妃曰皇太后其應行典禮有司以次奉行咨爾臣民体予至意故

茲詔示想宜知悉

共享治安之化迹寧遠肅顧不隳勳可改大德十二年爲至去元年
誕布惟新之令式乎永固之休畫一事宜開頒于后

於戲建元立極然正始於王春經世裕民尚仰成於台輔庶幾中外
同底和平咨爾多方体予至意故茲詔示想宜知悉

○詔至大二年二月日

白帝聖旨朕荷

三靈之隆眷承

列聖之不基永言置器之難恒切履冰之懼迺者

皇太子率中外臣庶會謂撫軍十載政商悉平當宁九重成規具舉若
稽舊典益進徽稱豈朕躬所克當惟

祖武之顯式已於正月七日辛卯御大明殿受

統天維聖欽文英武大章孝之號越五日乙未躬詣

大室恭謝慈爰念即位以來何以賑灾恤民爲務而恩澤猶未溥博流離
猶未安集豈有司奉之不至故今特命中書省遴選內外官僚專以

撫治爲事簡汰冗員博節浮費一新政理斯稱朕意

於戲薦鴻名而敷生冊旣俯循於輿情肆大賚以濟黎元其傳加於

齊肅尚賴宗親近輔群辟庶司勉效忠勤同躋康乂

○頌至大四年發龍銀鈔銅錢今並不錄

○至大四年三月十八日

上天眷命

皇帝聖旨惟昔

先帝事

皇太后撫朕眇躬孝友天至由朕同託

順考遺体重以母弟之嫡加有削平內難之功於其踐祚曾未踰月授以

皇太子室領中書令樞密使百揆機務所總裁于今五年

先帝奄弃天下勳感元老咸謂大室之繩既有成命非與

前聖省天而始徵集宗親議所宜立者比當稽劇漢晉唐故事即正宸極

朕以國恤方新誠有未忍是用經時今則上奉

皇太后勲進之命下徇諸王勸戴之勤三月十八日於大都大明殿即皇

帝位凡尚書省誤國之臣先已伏誅同惡之徒亦已放殛百司庶政

悉歸中書命丞相帖木迭兒平章政事完澤字道復等從新拯治可

大赦天下自二月十八日昧爽以前除謀反大逆殺祖父父母父母妻

妾殺夫奴婢殺主強盜殺傷事主不赦外其餘一切罪犯已發竟未

發竟已結正未結正罪無輕重咸赦除之敢以赦前事相告言者以

其罪罪之其可爲令法程拯民急者具如左方見右至政各類於戲
凡我有臣君子皆古所謂治天職食天祿者宜一心力欽乃攸司無
替朕命故茲詔示相宜知悉

○至大四年十月

上天眷命

皇帝聖旨朕賴

天地

祖宗之靈承聖緒永惟治古之隆羣生咸遂國以久寧朕夙興夜寐不
敢怠違任賢使能與滯補弊庶其臻茲欽時五福用敷錫厥庶民朕
之志也踰年改元厥有彝典其以至大五年爲皇慶元年故茲詔示
想宜知悉

○皇慶二年三月

上天眷命

皇帝聖旨易述家人詩美閔昨故帝王受命必建置后妃所以順天地之
義重人倫之本也弘吉刺氏蚤由世戚未嬪我家事

皇太后有孝恭之懿輔朕躬著淑慎之善於二月十六日授以玉冊玉宝

立爲

皇后祔殿位乎內位乎外得政道之相咸用之國用之鄉庶民風之丕變

○故以詔示咸使聞知咨尔多方悉于至意

上天眷命

皇帝聖旨惟

天惟

祖宗眷祐有國朕自即位于今四年比者陰陽失和星芒示儆豈朕躬修德之未至耶抑官吏未選而政令之或乖耶思以回天心召和氣側身修行實切余衷庸勅司務共殫職責布惟新之令誕敷濟眾之仁可改皇慶二年為延祐元年所有合行事理條列于后見右聖政各類於戲以實應天爰聿新於庶政用孚有衆同保合於大和咨尔多方体予至意故茲詔示想宜知悉

○延祐四年正月初十日

上天眷命

皇帝聖旨朕仰惟

太祖皇帝聖訓若曰應天順人惟以至誠保安天下宜遵正道重念

列聖繼承不祧我

世祖皇帝泥一之初顧予菲德惧弗克荷不遑章顯比者忽失刺牟屬幼

弱聽信檢人阿思罕等謀為不軌構亂我家已為陝西行省行其骨

軍官等將叛賊阿思罕教化徹里可思等斬首以徇其同謀及脅從者欲及加誅有所不忍宜推曠湯之恩開以自新之路可大赦天下自延祐四年正月初十日昧爽以前除殺祖父母父母不赦外其餘常赦所不原者罪无輕重咸赦除之若有避罪逃從逆黨或竄匿民間及嘯聚山林者赦書到日限一百日內許令自首與免本罪限外不首復罪如初條畫見至政各類

於戲赦過宥罪惟期反側之安發政施仁筆底隆平之治敢以赦前事相告言者以其罪之咨尔有衆体予至懷故茲詔示想宜知悉

上天眷命

皇帝聖旨朕荷

上天之鴻傷慕

列聖之不緒北承

皇太后慈訓若稽

世祖皇帝成憲深爲國本宜建儲嗣親王大臣會言允同皇子碩德八剌

地居嫡長天錫仁孝可以主重器奉

宗祧已於延祐三年十二月十九日授以金宝上共爲皇太子中書令

樞密使一如旧制其有司備立冊命因茲盛幸庸布新條條畫見后

聖恩各顯於戲萬國以貞允屬元良之重四方其訓永建太平之基
咨尔臣民体予至意故茲詔示想宜知悉

○**聖皇太后** 聖詔延祐六年十月

上天眷命

皇帝聖旨朕惟

世祖皇帝憲章隆古垂裕萬世灼有垂訓預建嫡嗣是以協謀僉言立皇
子碩德八剌爲皇太子付之金室已嘗詔告天下若稽冊命屬當奉
行於今年十月七日授以玉冊大禮慶成於戲

天地之德

宗社之靈固本既崇人心攸繫凡尔百司庶府暨于多方有衆各安職業
永底治平故茲詔示想宜知悉

今上白皇帝

○**聖皇太后** 聖詔延祐七年三月

上天眷命

皇帝聖旨洪惟

太祖皇帝膺期撫運肇開帝業

世祖皇帝神機睿畧統一四海以

聖德聖道我

先皇帝至仁厚德涵濡羣生君臨萬國十年于茲以社稷之遠圖定天下

之大本協謀宗親授子冊室方春宮之興政遽

昭考之頃天諸王貴屬元勳碩輔咸謂朕宜休

先皇帝付託之重膺

皇太后擁祐之慈既深繫於人心詎可虛於神器合辭勸進誠意交孚乃

於三月十一日即

皇帝位於大明殿受惟新之命庸推在宥之恩可赦天下自延祐七年

三月十一日昧爽以前除謀反大逆謀殺祖父母父母妻妾殺夫奴

婢殺主謀故殺人但犯強盜印造偽鈔侵盜短少保官錢糧不赦外

其餘一切罪犯已發竟未發竟已結正未結正罪無輕重咸赦除之

敢以赦前事相告言者以其罪罪之所有合行事宜畫一于后見聖

政各朔尚念

祖宗丕緒持守惟艱萬幾之繁罔敢暇逸更賴遠近勲戚左右臣鄰咸一

乃心以輔予必咨爾多方体予天意故茲詔示想宜知悉

大皇帝石印
延祐七年二月

上天眷命

皇帝聖旨為治之端無加於立孝報本之義莫大於尊親朕肇續不圖恪
遵彝典欽惟

儀太皇聖慈仁昭懿壽元全德泰年福慶皇太后仁明淵靜淑靜懿恭定

大策於兩朝功施社稷者徽音於四海慶衍本支風荷

宮慈撫予眇質思仰酬於

厚德宜首進於

隆名謹上尊稱曰

太皇太后其應合行典禮令有司討論以聞咨爾臣民体予至意故茲詔

示想宜知悉

○**皇太后聖旨** 延祐七年十一月

上天眷命

皇帝聖旨朕祗遵詒謀獲承不緒念付託之惟重顧繼述之敢志爰以延

祐七年十一月初二日被服袞冕恭謝于

太廟既大禮之告成宜普天之均慶屬茲踰歲用易紀元予以尊天地之

至和予以法春秋之謹始可改延祐八年為至治元年所有使民事

宜條列于后

於戲奉先思孝式昭報本之誠發政施仁聿底錫民之福咨尔眾
体予至懷故茲詔示想宜知悉

聖政卷之一

典章二

振朝綱

○至元十九年七月福建行省准

中書省咨御史臺呈本月十五日日本臺官

奏過在先諸衙門奏事呵御史臺官一同聞奏這般

聖旨有來在後俺根裏不曾一處奏他每奏了的後頭分付与俺奏有來
今後依自在先体例一處奏呵怎生奉

聖旨這般是你底勾當依自在先行更說与各衙門者欽此於十七日就
皇太子斡耳朵魯令闊闊木納真不花

啓奉

令旨依着

聖旨行者欽此於二十日又奉

令旨在先奏事呵塔察兒有時節這般一處行來如今依着在先

聖旨行者欽此

○大德十一年八月 日欽奉命相

詔書節文庶务有所未便者中書省從新擬治次第奉行內外大小諸

衙門官吏除奉行本管職事外一應干係軍民站金場民治茶鹽鐵戶課程宝鈔刑名違法報備造作差役等事毋得隔越中書省輒便聞奏從而撓擾事有必須奏聞者亦須計稟中書省然後奏聞違者國有常憲

○大德十一年十二月 日欽奉至大改元

詔書內一欵設官分職各有收司中書省輔弼朕躬總理庶政中外越分奏事者即位之初已常戒飭今後近侍人負內外大小衙門欽依已降

聖旨除所掌事外凡違法外報刑名造作軍站民匠戶口一切公事並經由中書省可否施行毋得隔越聞奏違者究治

○至大元年三月 日江浙行省准

中書省咨大德十一年十月十二日傳奉

聖旨也里審班不干碍自己先生每底勾當有來文阿里不干碍自己的封贈的勾當奏有六省官人每根底說者今後不揀是誰除自己合官的勾當外其餘橫枝兒的勾當外做官的人每的勾當隔越省官人每休奏者各衙門裏省諭行文書者誰奏呵喚棒子者麼道傳

聖旨來欽此

○至大元年七月欽奉

皇帝聖旨中書政本也軍國之務小大由之朕自即位以來夙精求治爰立輔相以總中書期年于茲大効未著豈選用之未當欤何万機之猶繁而群生之寡遂也今特命左丞相塔思不花爲中書右丞相太保乞台普濟爲中書左丞相統百官平庶政便者奉行弊者革去一新條理諸內外大小事務並听中書省區區奏聞違者論罪

○又一欵刑名報備造作軍民站赤差發金良茶鹽鈔治諸項課程並听中書省節制施行諸王公主駙馬不以是何勢要人等毋得說擾沮壞近侍人員及內外諸衙門毋得隔越輒便聞奏其有必合上聞事理亦須先行許稟中書省聞奏

○至大四年三月欵奉

登宝位詔書內一欵中書庶政之本凡制詔号令外報送法刑名一切政務並從中書省聞奏區區除樞密院御史臺樞密院宣政院各處舊制其餘諸衙門及近侍人等敢有擅自奏啓中書庶政務者以違制論罪

○至大四年四月十一日 中書省奏

世祖皇帝時分不揀誰根底馬挑把的

聖旨必關赤每根底休教撥惹著奏有來

世祖皇帝之後各技兒裏近行的官人每等

聖旨來可於見可依着

世祖皇帝體察裏中書省樞密院御史臺宣政院這四個衙門官人每根

底其餘不揀誰越的俺与了

聖旨不教奏呵怎生麼道奏呵說的是有您如今除那四座衙門外其餘

各衙門裏各執規裏近行的官人每等不揀是誰必關亦根底撻越

自与了

聖旨的休教奏者官人每各處行將文書去者麼道

聖旨了也欽此都省仰欽依施行

蕭臺綱

○至元三十一年七月欽奉

聖旨節文今命月魯那洪太師錄軍國重事御史大夫首振臺綱九軍民士庶諸色戶計所在官司不務存心統治以致軍民困苦或寬帶不為審理及官員侵盜欺誑污濫不法若此之類肅政廉訪司監察御史有能用心糾察量加過賞若罪狀明白廉訪司御史臺不為糾彈受賂徇情或別作過犯諸人陳告得實罪比常人加重誣告者抵罪反坐肅政廉訪司官監察御史察出公事取問其間諸人毋得撓撻沮壞彼若恃此非理妄行以致人難寧不畏罪其御史臺肅政廉訪司監察御史應有大小公事照依累降

聖旨條盈施行各尽乃心毋曠厥職故茲誠諭想宜知悉

○大德五年三月 日欽奉

皇帝聖旨中書省官人每根底樞密院官人每根底行中書省官人每根底內外大小諸衙門官吏每根底宣諭的聖旨御史臺官人每奏自立臺以來糾彈罷取受的官吏數多不知自己罪過的人每妄生事端沮壞臺事元貞元年明里不花杭州省裏行時分題說的上頭察知宣慰司官的罪過呵与行省同官審知路官的罪過呵与宣慰

司官同審州縣官的罪過與路官同審這中間窒碍有宣慰司相與
行省遠的往復一萬里的也有難以同審又監察每行省令吏每的
稽遲違錯尋出來呵與行省司一同審了斷有行省官終是一個勾
當裏行有同審呵不便當又應訪司察知的勾當裏事千人衆卒難
結絕的公事管民官裏休摘委一員一司裏歸問的上頭州縣勾當
多斷推首公事成就不符這五年行臺應訪司監察每累累的文字
裏說將來依在前行來的體例裏交行呵怎生瘡道奏來今後但是
內外勾當行的大小衙門裏官吏各自委付來的勾當謹慎成就
者教百姓安省應訪司監察每用心體察者勾當裏謹慎行的實跡
有呵將他每姓名申臺者要肚皮沒體例行的依自立應訪司以來
世祖皇帝已降聖旨事意受勅官應訪司問的招了呵行移總司會議斷
者事重申臺者受宣官申臺聞奏者被問的官吏他每的罪過既有
可驗避罪者吳阿拜差官問的招了呵比本罪上加等要罪過者監
察每照刷出行省令史替違違錯輕罪就便斷次重事申臺者應訪
司問的公事裏頭有干礙人衆卒難結絕不能親到呵管民官裏送
廢幹人負歸問者應訪司官監察每不為用心體察分外沒體例行
呵罪比常人加重者

○太德五年八月欽奉

詔書內一欵行中書省宣慰司肅政廉訪司列置諸路之上本以彈盜賊修政事糾不法抚良民也近年於此畧而不問自今各脩乃職凡在所屬之內常加檢責期於政成民安諸路鎮靜而已有不稱其責任者從中書省御史臺錄具實跡聞奏黜罰

○又一欵近年累降詔條各處官司有奉行不至者仰中書省宣慰司廉訪司隨事舉問

○大德十年五月十八日欽奉

詔書內一欵監察御史廉訪司官吏所以糾劾官邪徇求民瘼肅清刑政共成治功今後各思所職有徇私受賂者照依已降

聖旨加重治罪

○至大二年九月 日尚書省欽奉

詔書內一欵風憲為紀綱之司民生休戚官政廢舉關係非輕御史臺戒飭監察御史廉訪司体承美意協贊治功所司奉詔不虔並行

○至大四年四月 日住罷銀鈔銅分

詔書內一欵風憲之官朕齊耳目糾劾百司凡政令之從違生民之休戚言責所關甚要且重惟今百度載新圖治伊始式導

世祖皇帝以來

累朝成憲各揚乃職以肅政綱

飭官吏

○中統五年八月初四日中書省欽奉

聖旨內一欵節該諸縣尹品秩虽下所任至重民之休戚繫焉往往任用非其人致使恩澤不能下及民情不能上通括克侵凌為害不一今擬於省併到州縣內選差循良廉幹之人以克縣尹給俸公田專一抚字吾民布宣新政仍擬以五事考較而為升殺戶口增田野闢詞訟簡盜賊息賦投平五事備者為上選內三事成者為中選五事俱不举者黜

○至元二十二年二月欽奉

聖旨內一欵在先考課並以五事責辦管民官為死激勸之方徒示虛文竟无实际自今每歲終考課管民官五事備具內外諸司官取任內各有成効者為中考第一考對官品加妻封号第二考令子弟承廕叙仕第三考封贈祖父母父母品級不及封贈者量才官品其有政績殊異者不次陞擢仰中書省恭酌旧制出給誥命施行

○至元二十一年二月欽奉

聖旨節該建立朝省分布州縣設置州吏本以為民耳目今見任京府州縣官吏內有循良勤幹亦有賍污不公之人未嘗陞遷黜罰以致官

冗事繁因循苟且政無可考善及民多擬三十個月一次考功過為最殿以憑遷轉施行庶有為官廉能者知有賞貪污者知有罰為民絕侵漁之患享有生之樂欽此

○大德十年五月十八日欽奉

皇帝聖旨朕自即位以來累降詔旨圖治雖勤績効未著蓋司民政者繼字乘方居風憲者彈劾失當不能副朕愛恤元元之意今命右丞相谷剌罕左丞相阿忽台中書省官從新整治其布告天下凡在官司自今以始洗心易慮各及乃朕貪污敗政者責罰黜降廉勤公正治有成効者特加陞擢期於政化流行黎民安享和平之治

○又一欵內外官吏公勤奉職遵守累降詔條抚安百姓有効者仰監察御史廉訪司從公体察具實跡申達覆察官看量加陞擢其奸貪不法蠹政害民者糾治

○大德十一年十一月 日欽奉至大改元

詔書內一欵張官置吏本以為民祿應既頒承蔭有叙待遇之禮不為不優補報之誠豈可弗及自今以始各終乃朕如或不慎監察御史廉訪司嚴加糾察年終考其殿最者各一人具實申聞以憑黜陟

○至大元年七月欽奉立左丞相

詔書內一欵內外大小官真人等廉勤材幹尽心奉職比中書省事

明旌擢貪黷情懶擾民敗事者中書省照依累降

聖旨條格酌罪黜降重者奏裁

○至大二年二月欽奉

上尊号詔書內一款張官置吏俸祿公田以養其廉陞轉封蔭以榮其
家期於洗心奉職安民辦事以圖報稱向者

世祖皇帝累嘗戒飭貪黷發難廉能守令以下各有定條今中外奉公者
少循私者多其各修廼職革非擿善務在勸農桑具奉殿抚安百姓
嚴戢吏胥架不修其取驗罪輕重黜降兼司失於繩糾不勝取任者
從御史臺奏代仍仰監察御史廉訪司遵依前詔年終每道考其毀
最者各一人具實申聞以憑黜降

○至大二年九月 日申立尚書省

詔書內一款三載考績三考黜陟幽明此古者責成悠久之屬今路州
司縣親民正官從宜以九年為限歲考治功以示黜陟有抚字尽心
百姓安阜鈔法流通政事卓異者不次旌擢其不及職而有私犯者
懲以重罪

○至大四年三月十八日欽奉

登宝位詔書內一款內外百司各有攸職其清慎公勤政績昭著五事
備具者從從祭御史肅政廉訪司祭率優加迂遷發公營私貪污敗

事諸人陳告得實依條斷罪枉法贓滿者應投宣勅並行追奪使人
犯贓終身不叙誣告者抵罪反坐

○延祐七年十一月欽奉 至治改元

詔書內一款守令賢否民之休戚所係必得其人乃能宣化比者奉勅
殿最掌任臺察今徒知黜貪而不知揚善殊失懲勸之道今後從監
察御史肅政廉訪司官於常選人中每歲覈奉可任守令者二人並
須指陳廉能實跡色目官初奉漢官復察漢官初奉色目官復察限
次年三月以裏申臺臺省籍其姓名以滿擢用既用之後考其政績
成敗与元李官同示賞罰違期不奉罪亦及之

守法令

○至元二十八年六月 中書省欽奉

詔條戒諭內外大小官吏事意除已欽依差官分道宣布去訖所有時
宜整治事例

奏准定為至元新格刻梓頒行凡在有司其務遵守

○至元三十一年四月欽奉

詔赦節文

先皇帝體元居正以來然後典章文物大備臨御三十五年溥海內外罔
不臣屬宏規遠略厚澤深仁有以衍

皇元万世無疆之祚

一該載不盡事件欽依

先皇帝累降

聖旨條畫施行外披民間利害具除有未盡當今急務有未行者仰中書
省續設

聞奏尚念

先朝庶政悉有成規惟謹奉行罔敢失墜

○大德十一年五月日欽奉

登宝位詔書內一款應合行事理遵守

世祖皇帝累降

條格事意施行民間利害有合與除者中書省續設

奏聞

○至大四年三月欽奉

登宝位詔書內一款庶事更張圖治伊始凡經國大猷式遵
世祖皇帝以來成憲仰中書省恭酌時宜次第奉行

舉賢才

○至元十二年二月 平定江南

詔書內一欵前代聖賢之後高尚僧道儒醫卜筮通曉天文曆數并山林隱逸名士仰所在官司具實以聞

○至元十二年 月 日欽奉

詔書內一欵節該主宋歸附有功官員并才德可用之士窮居无力不能自達者所在官司開具實跡行移按察司體覆相同申臺呈省以憑錄用

○至元二十八年三月欽奉

詔書內一欵節該廉幹人負不肯賄賂權臣隱晦不仕在近知名者尚書省就便選用在外居住者所在官司以名薦奉

○大德九年六月 寬恩

詔書內一欵天下之大不可亡治擇人乃先務者也仰御史臺翰林院國史院集賢院六部於五品以上諸色人內各奉廉能識治休者王人等上行省行臺宣慰司南政廉訪司各奉五人務要皆得實材毋但具數而已

○皇慶二年 月須行科舉條制

○延祐七年十一月欽奉 至治改元

詔書內一款比歲設立科奉以取人材尚慮高尚之士晦跡丘園元弊
可致各處其有隱居行義才德高迈深明治道不求聞達者所在長
官具姓名行實牒報本道廉訪司復察相同申營王省聞奏錄用

求直言

○中統元年五月欽奉

詔書內一欵朕自即位以來宵衣旰食孜孜求治然天下之大萬事之衆豈能徧知自今凡政令之未便人情之未達朝廷得失軍民利害有上書陳言者皆得實封呈獻其在內者呈省聞奏其在外者赴各處宣撫司投進繳申赴省聞奏若言不可採並無罪責如其可用朝廷優加遷賞以旌忠直

○至元二十九年四月行樞密院准

樞密院咨准江西行省差官開讀

聖旨即該差見蠻子田地裏提說裏勾當來的人不揀是誰休遮當者欵此除欵依外照得管下鎮守万户府軍官人等不時差調諸處鎮守收捕草寇今後若有軍官陳說便宜勾當便令前去切恐失悞調遣合無實封因便使賞擊前去請照驗定奪事准此至元二十九年正月初十日本院官

奏月的迷失奏將來今夏省官奏陳言的人有呵休遮當者教上頭來者麼道

聖旨了也麼道遍行的文書行來有如今軍官每俺有提說言語麼道是

人多有去理他每根底教來呵他的軍每没人管的。一般有俺這生理會麼道說將來有麼道奏呵奉。

聖旨我是那般道來今後有人陳言的事有呵着文字封首與將來者他每根底休教來者麼道。

聖旨了也欽此。

○大德十一年十二月 至大改元

詔書內一款朕自即位以來孜孜求治四海之廣萬機之衆豈能周知尚賴輔弼之臣朝夕啓沃以匡不逮然恐下情不能上達凡政令得失軍民利病許諸人上書陳言在內者呈省聞奏在外者經由有司投進若言無可採並無罪責如其可取量加遷擢其蠹政害民事理仰巡歷監察御史肅政廉訪司官子細採訪應厘革者就與厘革合申聞者即便申聞。

○至大二年九月 日申立尚書省

詔書內一款言路之通塞政治之得失繫焉臣民實封言事已有

先朝累降詔旨然奉行未至自今朝廷得失軍民利害有上書陳言者皆得實封上聞在外者赴所屬轉達尚書省知言可採優加旌擢如不可用及指切時政並無譴責

○至大四年三月十八日欽奉

登室位詔書內一欵諸上書陳言已有累朝今典凡言軍民利病政事
得失有可采者量加旌擢如不可采並無罪議

○延祐七年十一月欵奉 至治改元

詔書內一欵天下之大機務惟繁博採輿言庶能周悉自今諸內外七
品以上官有 畫長策可以濟世安民者實封呈省如其可用優加
旌擢諸人陳言並依舊制

興學學校

○至元三十一年四月 日欽奉

登位詔條內一款 學校之設本以作成人材仰各處教官正官欽依

先皇帝已降

聖旨主領敦勸嚴加訓誨務要成才以備擢用仰中書省設行貢之法其無孝田去處量撥荒閑田土給贍生徒所司常與存恤

○大德十年五月 日欽奉 敦勸治恤民

詔書內一款 所在蒙古儒學教官務要用工講習作養後進有錢糧去處有司毋得干預侵借廉訪司以勉勵宣明為職所至之處嚴加程督毋得廢弛教官不稱職任者糾劾

○大德十一年五月 日欽奉

登宝位詔書內一款 學校風化之原人材所在仰教官提調官勉勵作養業精行成以備擢用應係籍儒戶雜泛差役依例蠲免

○大德十一年十二月 日欽奉 至大改元

詔書內一款 興學學校乃王政之所先爰自累朝教養不輟迄今未見成効今後路府州縣正官教官照依累降條畫主領敦勸廉訪司常加勉勵務要作成人材以備擢用其貢奉之法中書省續設奉行

○至十二年九月 日欽奉改尚書省

詔書內一欵李校之設所以明人倫養賢為政之要莫先於此宜令路
府州縣正官躬親勉勵各得其才以備選李其在李儒人課講不廢
者與免雜泛差役兼訪司叶同敦勸

○至大四年三月十八日欽奉

登室位詔書內一欵國家內置監李外設提李教授將以作養人材宣
暢風化今仰中書省自國子監李為始拯治各處州郡正官肅政廉
訪司申明旧規加意敦勸若教官非才李校廢弛者從監察御史肅
政廉訪司糾劾

○延祐四年閏正月 日欽奉 建儲

詔書內一欵李校為治之本風化之源仰各道肅政廉訪司官管民提
調正官常加勉勵務要作成人材以恪擢用

○延祐七年三月 日欽奉

登室位詔書內一欵農桑李校王政之本蓋務農所以厚民勸李所以
興化

累聖相繼具有典章仰各處提調官常切如意勉求实效勿事虛文其糾
李貢試之法並依旧制

勸農桑

○至元七年二月欽奉

皇帝聖旨宣諭諸路府州司縣達魯花赤管軍官管民官諸投下官員軍民諸色人等近為勸課農桑已嘗遍諭諸路牧民之官為提刑按察司講究到先後合行事理再命中書省尚書省各酌量採取其便民者定立條目特設司農司勸課農桑與奉水利凡滋養栽種者皆附而行焉仍分布勸農官及知水利人負施行勸課奉祭勤惰委所在親民長官不妨本職常為提點年終通考農事成否本管上司類申司農司及戶部照驗任滿之日於解由內明注此年農桑勤惰赴部照勘以為發最提刑按察司更為體察期於敦本抑末功效必成

○至元三十一年四月欽奉

詔書內一欵因用民財皆本於農所在官司欽奉

先皇帝累降聖旨歲時勸課當耕作時不急之役一切停罷无致妨農公吏人等非必須差遣者不得輒令下鄉仍禁約軍馬不以其何諸色人等毋得縱放頭疋食踐損壞桑果田禾違者斷罪倍還

○大德七年二月初三日欽奉 奉使宣抚

詔書內一欵農桑衣食之本比聞勸農官司率多廢弛仰依已降條

常加勸課期於有成

○大德十年五月十八日欽奉 整治恤民

詔書內一款農業衣食之源經費從出責任官民勸課廉訪司提調近年性性懶弛殊失布本裕民之意仰照依累降條在依時勸課游惰者懲戒路府州縣不怠之役毋得妨奪農功

○大德十一年十二月欽奉 至大改元

詔書內一款農業者國家經賦之源生民衣食之本

世祖皇帝以來累降詔條誠論勸課而有司奉行不至加之軍馬營寨飛放圍獵喂養馬駝人等縱放頭疋食踐田禾損壞樹木以致農業凋廢今後路府州縣達魯花赤長官常切禁約若有違犯之人斷罪陪償各官頭目有失鈐束具以名聞仍依時勸課務要實効大司農辰司年終考其殿最以憑黜陟孝悌力田之人有司申明量加旌賞游惰廢弛者就便懲戒肅政廉訪司並行糾治

○至大二年九月欽奉 改尚書省

詔書內一款農業系天下之本比歲游民逐末害本寔繁宜令所司依時用心勸課毋得事虛文力田農夫常切存恤農務未停不得妄有差擾以奪其時違者重治

○至大四年二月十八日

登至位詔書內一款農桑衣食之本仰提調官司申明累降條畫諄切勸課務要因時開闢桑果增盛乃為实效諸官豪紳更經過軍馬及昔至赤探馬赤喂養馬駝人等索取飲食草料縱放頭疋食踐田禾桑果者所在官司斷罪陪償仍仰監察御史肅政廉訪司常切糾察若其殿最以憑黜降

○延祐四年閏正月欽奉 建儲

詔書內一款農桑衣食之本公私歲計出焉比聞各處農事正官失於勸課致有荒廢其失重本之意今後仰各處勸農正官嚴切敦勸務要耕種以時田疇開闢桑果茂盛廉訪司所至之處考其勤惰而率勅之

撫軍士

○庚申年四月初六日欽奉

詔書內一款節該大軍每年征進行者有暴露之苦居者負輸挽之勞加之管軍頭目不知存恤橫泛糾紛以致軍前家中搔擾不安朕甚憫焉今後禁約諸路管軍頭目人等凡事一新毋得循習旧弊若有軍前曾立功勞者速行遷賞例從優厚至於撫綏安養使大軍皆得休息者朝廷別有區處

○中統元年五月欽奉

詔書內一款節該凡征進軍人臨陣而亡者被傷而死者其家屬理當優恤仰各管頭目用心照管無致生受仍仰各路宣抚司取會見數量給衣糧優恤其家

○至元三十一年四月

詔書內一款名成征進軍人久服勞苦仰官軍官管與管官抚養軍人與管不得妄行糾配衣糧例應請給者隨時支給無至剋除其臨陣而亡被病而死者尤當哀憫例應存恤一年者存恤二年應存恤半年者存恤一年貧難單弱不能起遣者從樞密院定奪優恤

○大德元年二月欽奉 大德改元

詔書內一欵節該正軍貼戶貧富強弱不均者除常例外各給布絹一疋所在長官常切省視奉行不至廢訪司糾彈

○大德三年正月欽奉

詔書內一欵陣亡軍戶除依例優恤外若有人力單弱委實貧乏無力者官給衣糧養濟

○大德三年三月初三日

詔書內一欵遠方陣亡軍人比之常例更与存恤一年

○大德十一年五月欽奉

詔書內一欵北方軍官軍人連年征戍勞苦仰樞密院定奪有功者迁賞貧難者賑給戰歿病亡者存恤其家其余軍人利病別行條具特加優恤仍禁約管軍官與曾官吏毋得非理科擾

○大德十一年十二月欽奉 至大改元

詔書內一欵蒙古探馬赤諸翼軍人四方征戍多負勞苦加以管軍官貪與曾官司非理侵漁消乏者衆各翼法軍若有貧難已告到官即与存恤續有陳言保勘明白一体施行應管軍官本放本管軍人外物詔書到日尺行倚免典買親屬悉听圓聚價不追还和林甘肅雲南四川福建兩廣海北海南左右兩江鎮守新附軍人除常例外今歲量賜衣裝遠方交換軍官軍人往還行糧依例應副患病者官給

醫藥死者官爲理瘞各處正官親臨提調毋致失所違者監察御史
廉訪司嚴加糾察餘合整治事理樞密院續議奉行

○至大四年三月十八日欽奉

登寶位詔書內一款近設康禮軍衛起遣各路存恤軍人伍千直沽屯
田消乏之餘重經此擾今康禮已令罷散上項屯軍悉所放還依旧
存恤其餘各處軍人陣亡病死者常例存恤外各加一年雲南兩廣
汀漳泉州鎮守新附漢軍每名給布一疋

○延祐四年閏正月初十日欽奉

建儲詔書內一款探馬赤軍人征進勞苦河南江北經理自實出田土
合該稅糧權行倚闈若有續產依例納稅腹裏軍站限田四頃外延
祐四年合納稅糧與免五分

○延祐七年二月欽奉

登寶位詔書內一款遠近諸軍征行戍守經歲勞苦實可憫於其陣亡
之家常例存恤限外更展一年本管翼衛及奧魯等官毋得非理科
欽違法放債勒要重息監察御史肅政廉訪司常加体究

○延祐七年十一月欽奉 至治改元

詔書內一款諸奕軍人終歲勞苦加以管軍官與管官司非理侵漁
之者眾漢軍貧難已告到官者仰樞密院從新分揀合併存恤管軍

官放錢違例多要利息及翻倒文契者詔書到日盡行倚閣和林甘肅雲南四川福建廣海鎮守新附漢軍除常例外每名給布一匹病者官給醫藥死者給燒埋中統鈔二十五兩拘該州縣憑准管軍官印署公文於本處課程錢內隨即支付族有同鄉軍人回還就將骸骨送至其家違者監察御史肅政廉訪司嚴加糾察其餘合整治事理仰樞密院續議奉行

安黎庶

○大德十年五月十八日整治政化

詔書內一款喂養馬駝并經過軍馬營寨權豪勢要人等恣縱頭疋食踐田禾桑果樹株者照依已降

聖旨斷罪陪償仰各處達魯花赤長官常加禁約違者廉訪司体察究治

○大德十一年五月二十一日

登牢位詔書內一款民者国之根本軍国之用度一切財賦皆所自出理宜常加存抚其經過軍馬牧養馬駝人羊毋得取要飲食外物非理搔擾縱放馬及踏踐田禾啣咬桑葉所在官司嚴加禁約違者斷罪陪償本管頭目有失鈴束亦仰究治重者申聞

○大德十一年十二月 至大改元

詔書內一款圍獵飛放喂養馬駝人等已有官給飲食並不得搔擾百姓取要酒食草料等物如有違犯之人所在官司就便追斷重者申聞若有司不為理問監察御史廉訪司並行糾治過往軍人一体

○至大二年二月

下尊号詔書內一款圍獵飛放喂養馬駝及各色過性屯戍軍馬出使人員自有合得分例又復欺凌官府擾害百姓多取飲食外物縱放

頭疋踏踐田禾咽咬樹木事非一端民受其害前詔累嘗戒飭今聞仍習前弊罔有悛心仰有司再行禁戢其不為申理者一体斷罪監察御史廉訪司依期分詣各處嚴加体察

○延祐四年閏正月欽奉

建諸詔書內一欵經行屯戍軍馬並不得縱放頭疋咽咬糞食踐田木亦不得於百姓處強行取要酒食搶奪財物搔擾不安違者仰各道廉訪司本處管民官照依延祐三年十一月二十五日中書省樞密院御史臺奏定事理痛斷親管頭目不為約束禁治千戶以下樹酌輕重就便斷罪乃戶申聞

○延祐七年十一月欽奉 至治改元

詔書內一欵經過軍馬營帳圍獵飛放皆至赤井喂養馬驢人等如無省部明文並不得於百姓處取要草料酒食等物縱令頭疋損壞田禾樹株如違所在官司就便追斷重者申聞若有司不為理問監察御史廉訪司並行糾治

重民籍

○至元二十八年三月欽奉

聖旨內一款江淮迤南近因抄數戶口民間意謂科取差發妄生驚疑自來戶籍乃有司當知之事其勿疑惧

○大德二年正月初十日欽奉

聖旨鄭該諸王公主附馬依在前

聖旨體例裏漏籍并不干碍他每的戶計休收拾者休隱藏者土地也休占者已收拾來的戶計已占來的土地依體例回付者這般宣諭了兩庶人每隱藏戶計自意占土地諸王公主駙馬每根底呈獻戶計地土呵有罪過者欽此

○大德八年二月日 恤隱省刑

詔書內一款軍站民匠諸色戶計近年以來徃性爲僧爲道影蔽門戶苟避差役若不整治久而靠損貧下人民今後除色目人外自願出家若本戶丁力數多差役不關及有昆仲侍養父母者赴元籍官司陳告勘當是實申覆各路給與方許替剃違者斷罪勒令歸俗

○大德十年五月十八日整治

詔書內一款諸色戶計已有定籍仰各安生理毋得妄投別管名色影

職差役冒請分糧違者許鄰佑諸人首告並行治罪

○大德十一年五月

登宝位詔書內一款諸色人等戶各務本業毋得別投戶名影避差徭及諸人不得將官民田土妄詞呈獻

○大德十一年十一月 至大改元

詔書內一款近為洪人南人軍站民匠等戶多有投充怯薛及鷹房子等名色影占差徭濫請分糧靠攏其他人戶已自元貞元年為始分揀今後除正當怯薛歹家古色目人外毋得以前亂行投屬其怯薛歹各技兒官員亦不得妄自收保違者並皆治罪監察御史廉訪司嚴加体察

○至大三年四月十八日上

皇太后尊号詔書內一款諸色戶計各已占籍籍其有妄投各技兒怯薛歹等名色規避差役冒請分糧者並行禁治

○至大四年三月十八日欽奉

登宝位詔書內一款諸色人戶各有定籍近者脫脫收聚康礼劫立軍衛濫及各投下并州郡百姓諸色驅牧人等多至數萬已經散遣今後各投下諸色人等並遵

以祖之法以乘累朝定制不得擅招戶計誘占驅奴違者治罪

恤站赤

○大德十年五月十八日欽奉 聖旨 治政化

詔書內一款 諸處站赤消乏 蓋因諸王駙馬并內外官府不詳事體 緩急動輒馳驛 以致站戶逃移 今後非軍情不報緊急之務 必合乘驛者毋得濫差

○大德十一年五月欽奉

詔書內一款 蒙古站赤消乏 尤甚 別行接濟 其餘諸站 仰通政院定奪 優恤 仍禁各投下 諸衙門 毋得濫給鋪馬

○大德十一年十二月欽奉 至大改元

詔書內一款 諸處站赤消乏 蓋因近年以來 內外衙門 諸王駙馬 各投下 濫行給驛 脫木孫 不為用心 盤詰 有司失於整治 之故 仰中書省 通政院 先將消乏 逃亡人戶 合併 僉補 管站頭目 因而典買 本管世親屬 並听完 聚價 不追還 蒙古站赤 非其 余整治 事理 汝等詳

○至大三年九月欽奉 立 尚書省

詔書內一款 軍站 輪役 繁重 宜令 樞密院 通政院 察其 利病 講求 奉行 以下 存恤 站戶 消乏 者 體覆 是 實 隨 即 補 替

○至大四年三月十八日欽奉

登在詔書內一款站赤消乏蓋因使客最多失於檢束除海青外應
送敵鷹隼犬馬等物並令止罷各知歲貢方物有司自有額例其余
非奉宣索不得擅進應有執把聖旨令旨盡行拘收諸王駙馬投下
及各衙門鋪馬聖旨仰中書省定擬以聞諸寶物爲驗者今後毋得
給馬不應主使書幹已私罪及給馬判署正官監案御史南政廉訪
司常加糾察

○延祐七年三月欽奉

登在詔書內一款各外站亦差發繁併遞漸消乏仰中書省通政院
設法撙節諸衙門毋得以濫給驛違者罪及當該判署官吏路府提
調官鈐東站赤官人等毋得聚飲侵剋差役不均監察御史南政廉
訪司嚴加糾治

○延祐七年十一月欽奉 至治改元

詔書內一款站赤消乏蓋因差使頻併今後諸衙門并諸王公主駙馬
各枝兒等加撙節如有必合差人馳驛幹辦公事斟酌應副務從省
減一切閑防約束事理悉從旧制脫未探用心盤詰違者隨申本
道廉訪司究問通政院給馬之際若有不應差人及多餘濫給鋪馬
者嚴行斷罪

厚風俗

○至大二年九月欽奉改尚書省

詔書內一欵風化王道之始宜令所司表率敦勸以復淳古如子証其
父奴訐其主及妻妾嫁姪于名犯義者一切禁止

旌孝節

○大德九年六月欽奉立

皇太子詔書內一款孝子順孫曾經旌表有材堪從政者保結申明具材任用

○大德十一年五月欽奉

登寶位詔書內一款節該義夫節婦孝子順孫且宜以聞別加恩賜

抑奔競

○大德八年月 欽奉恤隱省刑

詔書內一欵國家財物自有常制比者諸人妄獻田土戶計山場窰冶增添課程无非數名貪利生事害民今後采管等處治違者治罪

○至大三年十月十八日 欽奉上

皇太后尊号詔書內一欵隨外官民田土各有所屬諸人毋得陳獻

○至大四年三月十八日 欽奉

登宝位詔書內一欵國家祖賦有常僥倖獻地之人所當懲戒其刑亦馬罕小云失不花等冒獻河南地土已令各還元主刑亦馬罕長流海南今後諸陳獻地土並山場窰冶之人並行治罪

○大德十一年五月 欽奉

登宝位詔書內一欵諸色人戶各務本業毋得別投戶名影避差役及諸人不得將官民田土妄詞陳獻

止貢獻

○庚戌年四月初六日

詔書內一款節該開國以來庶事草創既無俸祿以養廉故縱賄賂而為蠹凡事撒花等物無非取給於民各為已財實皆官物取百散一長盜滋奸若不盡更為害非細始自朕躬斷絕斯弊除外用進奉軍前克敵之物并幹脫等拜見撒花等物並行革絕內外官吏視此鑒

○至天四年三月十八日欽奉

登宝位詔書內一款諸人中宝蠹耗國財比者宝亨亨乞兒八答私買所盜內府宝帶轉入中官既已伏誅今後諸人毋得偕前中獻其六札璽等所受管領中宝聖旨亦仰遵收

聖政卷之二

典章三

均賦役

○庚申年四月初六日欽奉

詔書內一欵爰自包銀之法行積弊到今民力愈困朝廷立制本欲利民而反害民非法之弊乃人弊之也加之濫官汚吏貪緣侵漁科欵則務求羨余輸納則暗加折耗以致濫刑虐政暴斂急徵使農夫不得安於口里者爲害非一吾民安得不重困耶旧弊苟不悉除新政安能訂立今後應糾欵差發斟酌民力務要均平期于安靜与吾民共享有生之樂而已欽此

○中統元年五月 中書省

奏准宣稅司條欵內一件科放差發文字止依一次及數科訖府科於州州科於縣縣科於民並同此例分作三限送納其三限寬限三日務要民戶紓緩容易送辦不可從逼人難

○至元十三年二月欽奉歸附安民

詔書內一欵体知得歸附州城官吏依殘宋擅自科取差發人等情事朝省明文不得擅擾科欵百姓

○至元十九年十月欽奉

聖旨條畫內一款應管軍民人所諸色戶計官吏人等今後毋得將所管戶計私自役使影占非奉上司明文不得率歛多物入已使用如有明文不得因而答帶私取擅科及答帶者與取受同罪照依已降條畫科斷欽此

○至元二十八年六月 中書省

奏准至元新格諸科差稅皆司縣正官監視人吏置局科雜務要巧平不致偏重與科定數目依例出給花名印押由帖仍於村坊各置粉壁度民週知其比上年元科分數有增損不同者須稱元因明立案驗准備照勘

○又一欵差科戶役先富強後貧弱貧富異等者先多丁後少丁開具花戶姓名自上而下置簿挨次遇有差役皆須正官當面點定該當人數出給印押文引驗數勾差無致公吏里正人等故富差貧那移作弊其差科簿仍須長官封收長官差故次官封收

○又一欵差科皆用印押公文其口傳言語科斂者不得應副違者所取虫公並須治罪

○大德十二年二月初八日欽奉

聖旨中書省官人每奏國家應亦支持浩大所用之物必須百姓每根底

和崔和買應亦有自來不以其何投下軍匠站赤等諸色戶計一
均當有來次後間諸王公主駙馬各投下軍站匠打捕鷹犬權要
等戶倚氣力不肯依條例應當和崔和買雜泛差役的上頭

薛禪皇帝

完澤篤皇帝行聖旨除上都大都其間有的站赤自備首思有又哈刺張
和林甘州海北海南福建等處除邊遠田地裏出征軍人每外其余
不以其何戶與民一體均當者麼道

聖旨交行有如今大都并腹裏路分江南等處諸王公主駙馬各投下官
人每各自護回影占百姓及推家勢要人等沮壞元立定來的條例
交奏管過

聖旨懿旨令旨与了麼道不當和崔和買雜泛差役的多有衆人叶力合
办的差發根底若只教大數裏軍站民戶教應當呵偏負办不得生
受有可憐見呵依着在先行來的

聖旨体例裏裏一体均當呵怎生麼道委呵如今依着在先的

聖旨体例裏除大都上都其間有的自備首思的站赤除邊遠田地裏出
征軍人外諸王公主駙馬不以其何投下軍站匠打捕鷹犬等怯
口厨子控鶴人等諸色人戶与大數且高差的軍站民戶一体均當
者在先教奏的把把着行的

聖旨懿旨令旨了的人每依着這

聖旨體例行者今後不以是何人等休交奏者這般官翻了呵不當和產和買雜泛差役的隱蔽百姓的隱蔽的人沮壞大体例交奏的人奏的人有罪過者監察每廉訪司官人每常切用心體察者管民官吏人等因着這般官翻了麼道百姓每根底和產和買雜泛差役偏負多播配呵有罪過者道來

聖旨辛卯年十二月十一日大都有時分寫來

○至大四年三月十八日致奉

登寶位詔書內一款民間和產和買一切雜泛差役除邊遠軍人并大都至上都自備首恩站戶外其余各驗丁產先依富實次及下戶諸投下不以是何戶計與民一体均當應有執把除差聖旨懿旨令旨就便拘收

○延祐三年十月十九日 中書省

奏過事內一件但凡一切和產和買雜泛差役除邊遠出征軍人并上都大都其間自備首恩站赤外其余各投下不以是何人等與民一体均當者麼道

皇帝登寶位詔書更行了來自

出祖皇帝時分也這般行來近間中政院珠祥院拱衛司等各衙門官

人每將他海所管戶計并控鶴等休交當和雇和買者亦從他挑東
与了文書有俺箇量來和雇和買一切推這差役衆人不叶力當呵
只交當差的百姓每當呵勾當也成就不得百姓每越生受去也依
詔書條例除邊遠軍人上都大都其間自備自思站赤外其餘諸王駙
馬并各衙門官人每奏了不交當行了文字的不以是何人等都交
一体均當呵怎生奏呵那般者麼道

聖旨了也欽此都省各請欽依施行准此仰欽依施行

○延祐五年十一月十一日 中書省

奏本

聖旨節該今後依舊累次行來的

聖旨民間但是和雇和買里正圭首雜役除邊遠軍人大都至上都
其間自備首思站戶諸處寺觀南方自亡宋以前腹裏至南官元貞
元年爲格例有常住并

上位越賜田土除差外稅邊遠軍人元籍去處各有贖軍產業加重說
已優免了這軍官軍人并僧道人等續置了百姓每的當差田地反
財賦稅管府承佃附余地土并与其余軍站民匠醫儒電戶運粮船
戶各杖兒不以是何戶計都交隨產一例均當呵怎生奉

聖旨那般者麼道

聖旨了也

○延祐七年十一月數奉 至治改元

詔書內一款均平賦役乃民政之要今後但凡科着和催和買里正王
首一切雜差在役除邊遠出征軍人及自備首思站赤外不以其何
戶計与民一体均當諸位下諸衙門及權豪勢要人家敢有犯前影
蔽占恠者以違制論 兖州孫正官用心總理驗其物力從公推排明
置文簿務使向不得上底無偏貧廉訪分司所至之處發行照刷違
者究問在先若有免役

聖旨諭旨施行革機

復租賦

○至元二十年 月 日欽奉

聖旨節該江淮百姓生受至元二十年合徵租稅以十分為率減免二分

○至元二十一年二月欽奉

聖旨內一欵京師天下之本一切供給皆出民力比之外路州郡實為偏重近年有司奏請打量地畝增收子粒百姓被擾尤甚今後將大都一路軍民等戶合納地稅及行除免

○至元三十一年 月欽奉

詔書內一欵諸色戶計秋糧已減三分其江淮以南至元三十一年夏稅特免一年已納官者准充下年數目

○大德元年十月欽奉

聖旨中書省奏隨處水旱等災損害田禾疫氣漸染人多死亡今降

聖旨被災人戶合納稅糧損及五分之上者全行倚免有災例不該免以

十分為率其三分其餘未處普免二分病死之家或至老幼單弱別無得力之人並免二年賦沒貧窮不能自存者官為養濟江南新科要稅今年全行倚免已納在官者准算來歲夏稅

○大德七年二月 設立奉使宣撫

詔書內一欵內郡大德六年被災關倉曾經賑濟人戶其大德七年差發糧報及行蠲免

又一欵荆湖川蜀州郡拘該供給八番軍儲去處夏稅秋報荆湖與免三分之一川蜀與免四分之一

○大德八年三月 欵奉

詔書內一欵去歲地震平陽太原兩路災重去處保官投下一切差發稅糧自大德八年為始與免三年隆興延安兩路與免二年上都大同懷孟衛輝彰德真定河南安西等處被災人戶亦免二年

又一欵大都保定河南路分連年水災田禾不收人民缺食生受別行賑濟外保定河間兩路大德八年保官投下一切差發保官稅糧並行蠲免

○大德九年六月 欵奉

詔書內一欵大都上都隆興三路比年供給繁重其大德九年差發稅糧並與除免股裏路分冬免包銀俸鈔江淮以南諸處佃種官田租稅均免

○大德十一年五月 日 欵奉

登宝位詔書內一欵上都大都隆興三路比年供給繁重自大德十一年為始百姓差稅全免三年其餘路分民戶差發免一年十分中與免三分草場工匠塩場鐵冶諸色等戶台納丁地稅糧亦免三

分江南路分今年夏稅免五分秋稅免三分已納到戶者准下年數

○大德十一年八月欽奉命相

詔書內一欵尚念大江以北百姓供給繁勞若包銀俸鈔虽行之已久而輸納皆實為偏重自大德十一年為始除免

○至大元年七月欽奉命相

詔書內一欵江南江北水旱飢荒去處已詳遣使分道賑恤去歲今春

日經賑濟人戶至大元年差發夏稅並行蠲免

○至大元年十一月欽奉 建中都宮闕

詔書節文惟是開元一路及宣德雲州之民供給繁浩其歲賦除前詔已蠲三年外更復一年

○至大二年二月欽奉 上

尊号詔書內一欵被災曾經賑濟百姓至大二年腹裏差稅江淮夏稅並行蠲免

○至大三年十月十八日欽奉 上

尊号詔書內一欵至大四年中都比之他郡供給繁擾與免至大三年秋稅其餘去處被災人口曾經體覆依上蠲免已徵在正典手者准下年數

○至大四年正月 欽奉 祀南郊

詔書內一欵至大四年腹裏百姓合納包銀全行蠲免江南夏稅與免

三分

○至大四年四月 欵奉廢罷銅錢

詔書內一欵大都上都隆興輦轂經幸供給浩繁應百姓合納差稅自至大四年爲始並免三年

○延祐元年正月欵奉 改元

詔書內一欵京師天下之本比之諸路供給繁重上都大都合納差稅自延祐元年蠲免二年

○又一欵被災去處皇慶二年曾經賑濟人戶延祐元年差發稅糧及行蠲免

○延祐二年 十一月二十七日欵奉

詔赦內一欵大都上都興和三路供給繁重合該差稅自延祐三年爲始與免三年其餘路分延祐三年腹裏絲料十分中與免二分軍站戶計限地四頃外余有地畝合納稅糧十分中減免三分江淮夏稅十分中減免二分

○又一欵河南江浙江西三省經理自災出隱漏官民田土合該稅稅自延祐三年爲始與免三年河南行省地面經值災傷延祐二年若有未納之數亦行免徵

○又一欵江西福建因值賊人蔡五九李仕長作亂曾被殘害百姓合該夏稅秋糧自延祐二年為始與免二年若已納到官者准下難

○延祐四年閏正月欵奉

建儲詔書內一欵大都上都興和三路比之他郡供給繁重合該差稅前詔已許蠲免近因河撒罕叛亂百姓被擾除陝西州縣及寧夏路河中府東勝雲內豐州延祐四年差發稅糧十分中並免五分其未諸郡腹裏絲料江淮夏稅普免三分

又條軍站限地四頃外地稅與免五分

○延祐七年三月欵奉

登室信詔書內一欵恤災極民國有令典應腹裏路分被災去處曾經賑濟者擬延祐七年合該絲綿十分為率擬免五分其餘諸郡絲綿并江淮夏稅並免三分

○延祐七年十一月欵奉 至治改元

詔書內一欵國家經費皆出於民近年以來水旱相仍艱食者眾其至治元年丁地稅糧十分為率普免二分合該包銀除兩廣海北海南

權且倚閣其餘去處減免五分

○又一欵大都上都興和一路供輸繁重自至治元年為始合著差稅全免三年腹裏被災人戶曾經廉訪司體覆者下年絲料去免二

分燕南山東汴梁歸德汝寧災傷地面應有河泊无問係官投下並
仰開禁听民採取若有元委抽分頭目人等截日革去

減私租

○至元二十年十月欽奉

詔書內一款節該至元二十年合該租稅十分中減免二分所減米糧仰地主却於佃戶處依數除豁無得收要

○至元二十二年二月欽奉

詔書內一款江南有地主之家召募佃客所取租課重於公稅數倍以致貧民缺食者甚衆今擬將田主所取佃客租課以十分爲率減免二分

○至元三十一年十月初五日

奏過事內一件

皇帝登宝位時分行

詔書河漢兒蠻子百姓每的今年納的稅糧十分中免三分若說來如今杭州省官人每與將文書來蠻子百姓每不以漢兒百姓每富戶每有田地共余他百姓每無田地種着富戶每的田地養和咳嗽係更納租稅有如今稅報免三分河兒了地主每的有地主却問佃戶全要河於窮百姓每無益有在前

先皇帝江南免二分地稅時分也道已免了的二分地主每都却休轉問

佃戶毋要者，道來如今依那條例，重佃戶每的三分也不交要呵，怎生說將來有秦呵，有條例休交要者。

聖旨了也。

○大德八年正月欽奉

詔書內一款，「南佃戶承種諸人田土，私租大重，以致小民窮困。自大德八年以十分為率，普減二分，永為定制。比及收成，佃戶不給冬自主，接濟毋致失所。借過貧糧，與幸逐發歸還田主，無以巧計多取租款，違者治罪。」

薄稅歛

○至元三十一年四月欽奉

詔書內一款諸處酒稅等課已有定額商稅二十分取一毋得多取若於額上辦出增餘額自作額增自作增仍禁諸人撲買

○至大四年三月十八日欽奉

詔書內一款商稅課程已有定制尚書併增為額又立增酬毀年之令苟非峻剥吾民彼將焉取今後恢辦並遵舊制法外多取及欺盜入已者監察御史肅政廉訪司依例究治增酬之令即仰革撥

○延祐七年十一月欽奉 至治改元

詔書內一款諸色課程已有定額商稅二十分取一不得多取已有定制今有司考較於正額增餘之外、求羨餘苟非多取於民彼將焉出仰將延祐七年實辦到官數目為定額已後辦出增餘增自作增額自作額

息不佃役

○至元二十八年三月欽奉

詔書內一款國家用度生民衣食皆取於農自三月初至九月終凡勞民不急之役一切停罷欽此

○大德九年六月欽奉 寬恩恤民

詔書內一款仲春已後此農民俱力耕桑之時其勑有司非急之務慎毋生事煩擾或有小罪即與踈次勿禁係妨其農時

○至大三年十月十八日欽奉 上

皇太后尊号詔書內一款民間雜役先但游食之民久從工賈末技其力田之家勿奪農時

○至大四年三月十八日欽奉

登室位詔書內一款土木之工病民爲甚其營築中都已令住罷自余不急之役截日停罷

○延祐元年正月欽奉 改元

詔書內一款內外一切不急之役截日住罷

○延祐四年閏正月欽奉

建儲詔書內十款內外營繕除必合修造外其余不急之役一切停罷

○延祐七年十一月欽奉 至治改元

詔書內一款和益煉鉄運粮船戶較之其他尤為苦古戶下合該雜泛
差役自至治元年為始優免三年其腰裏煽辦鉄課既敷支用下年
惟凡田項以分民力

簡訴訟

○大德八年 月欽奉 恤隱省刑

詔書內一欵近年以來田宅增價凡訟繁滋除已到官見有文案并典
鑒借債約分明依例歸結其余在元貞元年以前者各行革撥

○至大三年十月十八日欽奉 上

皇太后尊号詔書內一欵近年以來譁訐成風下陵上替今後諸取受已
多物者許以實訴其傳聞取他人物者不許言告

○至大四年四月欽奉 住罷銀鈔銅分

詔書內一欵近年田宅增價爭訟日繁除已到官見有文案并典質借
貸私約分明依例歸結其余在至大元年正月以前者並仰革撥

揀災荒

○至元二十八年 尚書省奏奉

聖旨條畫內一款每社立義倉社長主之如遇豐年收成去處各家驗口數每口留粟一斗若無粟抵斗存留雜色物料以備歉歲就給各人自行食用官司並不得拘檢借貸動支經過軍馬亦不得強行取要社長明置文曆如欲聚集收頓或各家頓放听從民便社長与社戶從長商議如法收貯須要不致損壞如遇天灾凶歲不收去處或本社內有不收之家不在存留之限

○至元二十八年三月欽奉

詔書內一款義倉旧例豐年畜其有餘數歲補其不足前年使民運赴河倉有失設置義倉初意今後照依元行法度收貯以備饑歲官司不得拘檢

至元新格內一款諸義倉本使百姓豐年貯畜數歲食用此已驗良法其社長照依元行常復修奉官司敢有拘檢煩擾者從肅政廉訪司糾彈

○又一款諸遇灾傷救食或能不恡已物勸率富有之家協同周濟困窮不致失所者從本處官司保中上司申部呈省

○大德七年三月欽奉 設立奉使宣撫

詔書內一欵被災去處有好義之家能出已財周給貧乏者具實以聞量加旌用

○大德十一年御史臺咨該照到監察御史呈稱各道廉訪司申江南諸處連年水旱相仍米糧湧貴見建康路米價騰湧奈何官倉無糧及无客旅販到米糧是致貧民奪骨不谷致傷人命若不救濟利害非輕所有本臺五月終見在賸鈔四千余錠添助救濟專差令史梅鼎馳驛實具會計稟希咨回示准此照得先准咨文條陳荒事內勸率富戶出米賑濟飢民驗數立賞權宜禁酒開禁山場河泊听民採捕量為救民急務備呈都省去訖又照得先欽奉

聖旨節該江浙江西湖廣等處被災百姓缺食差官与行省行臺咨欽依賑恤所擬規咨建康路无糧支散符本臺見在賸罰鈔定接續救濟宜准所擬其餘路分飢民卒無多糧賑濟若將各道廉訪司見在賸罰鈔定擬省臺已差去官官斟酌不能自存人戶支撥先行救濟後咨上都御史臺會議奏啓去後大德十一年八月十七日有本臺官奏過事內一件江南行臺臺裏李羅李的孩兒伯都小名侍衛來說有江南田木不水的上頭百姓每喂忍飢有可憐見兩江南行臺裏井所轄的十道廉訪司如今有的賸罰分忍餓的百姓根底從下分揀着

交與兩憲生奏呵奉

聖旨那般般者與者欵此

○今附大德十一年 月湖廢行省准 中書省咨江西行省咨

南康路申本路達魯花赤開切照本路今春以來雨雪連綿冰凍
涸結二麥無收米谷艱糶秋夏之間亢陽不雨虫旱相仍田產所
收僅及分數五谷不登百物皆貴稅家無蓄積之米細民有饑饉
之憂山城小郡產米有限余靠荆湘漳浙米谷通和接濟比聞所
在官司妄分彼我禁止米谷毋令出境所當听從民便許令客旅
通行與販燕錢米谷周流荒餘通濟得此除已移咨湖廣江浙河
南行省并下台屬所長商民便益外更乞行移禁治施行准此
都省咨請行移合屬施行

貸逋欠

○大德九年二月欽奉

詔書內一欵在前年分百姓拖欠差稅課程並行蠲免

○大德十一年五月欽奉

登室位詔書內一欵雲南八番田楊地面連年調度軍馬供給繁勞各
如差發免一年積年逋欠並與除免

○又一欵官吏人等侵欺濫用係官分糧可徵者徵無可徵者將奴
婢財產雜折入官若有不敷並從釋免失陷短少者依覆明白不須
追理其民間一切逋欠及行蠲免

○至大二年正月欽奉 上

尊號詔書內一欵至大二年正月以前民間逋欠差稅課程等分並行

蠲免

○至大二年九月一欵 見流稅類

○至大三年十月十八日欽奉 上

皇太后尊號詔書內一欵至大二年以前民間逋欠差稅課程並行蠲免

○至大四年正月欽奉 祀南郊

詔書內一欵至大四年正月初五日以前應民間逋欠係官分糧並行

免徵其侵欺盜用失陷短少已有文案者亦行除免

○延祐元年正月欽奉 改元

詔書內一款百姓文負係官分糧延祐元年正月二十二日以前並行除免

○延祐二年三月欽奉 加

皇太后尊号詔書節文可自延祐二年四月初一日以前應百姓拖欠差發稅糧課程斤行蠲免官吏失陷短少係官分糧無可徵者俾問是實亦與免放

○延祐二年十一月二十七日欽奉

詔赦內一款民間拖欠差發稅糧其在延祐二年正月以前者並行除免又一款官吏人等侵欺盜用係官分糧除奴婢財產准折入官分不敷之數並行免徵失陷短少全行除免

○延祐四年閏正月欽奉

建儲詔書內一款諸人侵盜失陷賊駁拖欠應令追陪係官分糧其在延祐四年正月初十日大赦以前已有文案者斤行免徵已徵主典之手不在此限

○延祐七年三月欽奉

登寶位詔書內一款差發租稅民之常賦貧乏逋欠在所且矜其延祐

七年以前徵理未足之數並行蠲免已徵入主典之手者不在蠲免之限

○延祐七年十一月欽奉 至治改元

詔書內一欵諸人侵欺盜用失陷短少減駁合追係官錢糧如在延祐七年三月十一日詔書已前已有追理文案者先將奴婢財產及數准拆入官不敷之數體覆明白並從釋免若有不盡不實從監察御史肅政廉訪司體察已徵入主典之手者不在此限

惠鰥寡

○庚申年四月欽奉

世祖皇帝益玉位詔書內一欵鰥寡孤獨不能自存者所在官司於官倉內優加賑卹

○至元十三年二月欽奉 收復江南

詔書內一欵鰥寡孤獨不能自存之人仰所在官司量加優贍

○至元十九年欽奉

聖旨內一欵鰥寡孤獨老弱殘疾不能自存之人照依中統元年已降詔書仰所在官司支給養濟仍令每處創立養濟院一所有官房者就用官房无官房者爲起蓋葺葺一收養上項窮民仍委本處正官一員主管應收養而不收養不應收養而收養者仰御史臺按察司計點究治

○至元二十一年十一月二十八日 中書省

奏過事一欵老幼殘疾教化的行路有見呵歹的一般有交官司与他每衣粮不交亂行交路官一員專一提調呵怎生奏奉

聖旨那般者

○大德三年正月欽奉

詔書內一欵蠲寡孤獨貧民之可憐者仰所在官司常加存視除常例
衣糧請給外慮或不足仰中書省約量添給 中書省議得除常例
給衣糧等今擬自大德三年正月爲始每名添中統鈔一兩如遇
天壽聖節每名支給中統鈔二兩永爲定例

○大德四年十月欽奉

詔書內一欵孤老幼疾不能自存者每名給中統鈔二兩其常例合給
衣糧在外長官時加存問毋致失所

○大德七年三月欽奉 設立奉使宣撫

詔書內一欵蠲寡孤獨除常例養之外人給中統鈔一十兩

○大德九年二月欽奉 寬恩恤民

詔書內一欵蠲寡孤獨不能自存之人常例養濟外每人給中統鈔一
十兩仍仰所在官司常加省問毋致失所

○大德十一年五月欽奉

登室位詔書內一欵節該蠲寡孤獨不能自存者常加存問合得衣糧
依期支付病者官給醫藥毋令失所

○至大二年二月欽奉 上

尊号詔書內一欵蠲寡孤獨不能自存者除常例外所在官司於係官

錢內每名給中統鈔一十五兩

○至大二年九月欽奉 改立尚書省

詔書內一欵寡寡孤獨前詔屢行優恤所在官司用心提調時其衣食
毋致失所

○至大四年三月十八日欽奉

登宝位詔書內一欵寡寡孤獨廢疾無養者除常例外每人給至元鈔
伍貫

○延祐二年十一月欽奉

詔赦內一欵寡寡孤獨不能自存之人除常例官給衣糧外每名各給
中統鈔一十兩本管官司常加存恤毋致失所

○延祐四年閏正月欽奉

建儲詔書內一欵寡寡孤獨不能自存除常例外每人給中統鈔十貫
官司存恤毋致失所

賜老者

○至元二十八年欽奉

詔書內一款老人年八十以上与免一子雜泛使之侍養欽此

○大德九年二月欽奉 寬恩恤民

詔書內一款老者年八十以上許存侍丁一名九十以上存侍丁二人

並免雜役

○大德九年六月欽奉 立

皇太子詔內一款年八十以上賜帛一疋九十以上者二疋

○至大四年三月十八日欽奉

登室位詔書內一款發政施仁国有令典凡年各九十以上者人

一疋八十以上者一疋

賑飢貧

○至元十三年二月欽奉 收復江南

詔書內一款所在州郡山林河泊出產除三木花菜外穀白米艾柴薪等物權免徵稅許令貧民從便採取貨賣以賑濟

○大德五年八月欽奉

詔書內一款各處風水災重去歲今歲差發稅糧並行除免以破缺食

之家計口賑濟之絕尤甚者另加優給其餘災傷亦仰委官省視給

○大德七年三月欽奉 設立奉使宣撫

詔書內一款河南山場河泊截日開禁听飢民從便採取

○大德八年 月 日欽奉

詔書內一款禁斷野物地面除上都大同山北等處大都通國

百里其餘禁斷去處并山場河泊依旧例並行開禁一年以從民便

採捕其漢兒人母得因而執把弓箭二十人之上不許聚眾圍獵各

處管民官司提調廉訪司常加体察違者治罪

○大德九年六月 日欽奉 立

皇太子詔書內一款諸處百姓有貧乏不能自存者中書省具議賑濟

毋致失所

○大德十年 月欽奉

詔書內一款被災去地關食人戶已嘗賑濟其本処山場河泊今歲課程權且停罷听貧民從便採取有力之家不得撻奪

○大德十一年 月欽奉 至大改元

詔書內一款近年以來水旱相仍缺食者衆諸禁捕野物地面除上都大同隆興三路外大都周圍各禁五百里其餘禁斷処所及應有山場河泊羊場詔書到日並行開禁一年听民從便採捕諸投下及僧道權勢之家占拠抽分去処亦仰革罷從定人等不得因而執把弓箭聚衆圍獵管民官用心鈐束廉訪司嚴行体察

○至大二年二月欽奉 上

尊皇詔書內一款去年降詔賑恤禁捕野物地面除上都中都大同三路於大都周圍各禁五百里其餘開禁一年至大二年依前再開禁一年除天鵝鵝鵝外听從民便採捕漢人不得因而執把弓箭聚衆圍獵管民官用心鈐束廉訪司嚴加体察

○又一款諸位下冬投下及僧道權勢之家占拠山場河泊關津橋梁并諸大撲認牙例諸名色抽分等事詔書到日不行革罷違者嚴行革斷監察御史廉訪司常加体察

○至大二年九月十四日

奏過事內一件官人每根底放鷹犬分撥與的山場禁禁帶着不交百姓
每採打柴薪以致柴薪價亦貴了殊道奏取奉
聖旨如今不採是誰權豪執要休禁者禁者
咱知識的奏者不知識的恁尚書省官人每依條例要罪過者交百姓毋
打柴薪者欽此

恤流民

○至元二十二年二月欽奉

詔書內一款隨民戶或困於公役或逼於私債逃竄失業諒非得已今
後如有復業者將元拋事產及行給付仍免一切拖欠差稅若有私
債權從併閣三年之後依數歸還

○大德七年二月欽奉 設立奉使宣抚

詔書內一款飢民流移他所仰所在官司多方存恤從便居住如貧窮
不能自存者量與賑給口糧毋致失所

○大德九年二月欽奉

詔書內一款往年流民越食他鄉不能還業者所在官司常加優恤有
官田或種者從便給之並免差稅五年

○大德十年五月十八日欽奉

詔書內一款逃移戶計違弃鄉并蓋葬得已仰本管官司用心招誘復
業者民戶保免差稅三年軍站人匠等戶存恤三年其元拋事產隨
即給付有昏賴欺占者斷罪

○大德十一年五月欽奉

詔書內一款各處逃移戶計復業者元拋事產隨即給付免差稅三年

未復業者有司具實申報開除合該差稅毋令見戶包納

○大德十一年十二月欽奉

詔書內一欵人戶流移蓋不得已所在官司凡有差役勿与本管戶計
一体科徵其元籍官司用心招誘所拋事產毋令它人侵占若有租
賃多物官為收貯俟復業日給付所據逆北續來蒙古人戶和抹行
省分揀接濟

○至大二年二月 日欽奉 上

尊号詔書內一欵諸處流移人民仰所在官司詳加檢視流民所至之
處隨給係官房舍并勸諭土居之家寺觀廟宇權与安存其不能自
存者計口賒濟還鄉者量給行旅契元拋事產租賃多物官為知數
復業日給付未經賑濟去處從中書省定奪

○又一欵諸處流移戶計合納差稅勿令見戶包納兼損百姓前詔
累嘗及之今仰管民官用心招誘依例存恤果有年深不能復業者
及不知下落立限具報倚免差稅无得似前包納監察御史廉訪司
嚴加体察

○至大二年九月欽奉 改尚書省

詔書內一欵各處人民飢荒轉徙疾疫死亡命令有司賑恤而實惠未
備今歲收成如轉徙復業者有司用心存恤元拋事產依數給還存

官一切遺欠並行蠲免仍除差稅三年田野死工遺骸暴露官爲收拾於係管地內埋葬

○延祐元年正月欽奉 延祐改元

詔書內一欵流民所至去處有司常加存恤毋致失所願務農者驗各家人力官爲給田耕種不能自存者接濟口糧如有復業並免二年差役元拋事產盡皆給付

○又一欵逃戶差稅已嘗戒飭毋令見在人口包納慮有司奉行不至仰照愆累降條書務在必行毋蹈前弊

○延祐七年十一月欽奉 至治改元

詔書內一欵百姓流移蓋非得已如欲復業者所在官司官給行糧應有在前拖欠差發課程並行倚閣元拋事產全行給付仍免差稅二年其腹裏百姓因值災傷典賣兒女听依元價收贖

崇祭祀

○庚申年四月欽奉

詔書內一款五岳四瀆各山大川歷代聖帝明王忠臣烈士載在祀典者所在官司歲時致祭

○至元十三年二月 欽奉 平定江南

詔書內一款各山大川寺觀廟宇并前代各人遺跡不許毀拆

○至元二十八年二月 欽奉

皇帝聖旨朕惟名山大川國之祇祀今岳瀆四海皆在封宇之內民物阜康時惟神休而封号不加先以昭谷靈觀可加上東嶽為天齊大生仁聖帝南嶽司天大化昭聖帝西嶽金天大利順聖帝北嶽安天大貞玄聖帝中嶽中天大寧崇聖帝加封江瀆為廣源順濟王河瀆靈源弘濟王淮瀆長源俄濟王濟瀆清源漾濟王東海廣德靈會王南海廣利靈寧王西海曠濶靈通王北海廣澤靈祐王仍告遣官詣神致告以稱朕敬恭明神之意主者施行

○至元三十一年四月欽奉

詔條內一款五岳四瀆遣使詣祠致祭其名山大川聖帝明王烈士載在祀典者所在長史除常祀外擇日致祭廟宇損壞官為修理似此

○大德五年八月欽奉

聖旨條畫內一款節該嶽鎮海濱名山大川風師雨師雷師當祀之日須

以本處正官撥戒行事有廢不奉祀不敬者從本道廉訪司糾彈

○大德九年六月欽奉立

皇太子詔書內一款嶽鎮海濱名山大川祀載在祀典者所在長官嚴
加致祭

○大德十一年五月欽奉

登寶位詔書內一款五嶽四瀆名山大川歷代聖帝明王忠臣烈士載

在祀典者所在官司歲時致祭

○大德十一年十二月欽奉 至大改元

詔書內一款嶽鎮海濱名山大川風師雨師雷師當祀之日須以本處

正官撥戒行事有廢不奉祀不敬者從本道廉訪司糾彈欽此

○至大二年二月欽奉上

尊皇詔書內一款嶽鎮四瀆名山大川聖帝明王忠臣烈士載在祀典

者詔書到日有司正官蠲潔致祭

○至大四年正月初五日欽奉 祀南郊

詔書內一款嶽鎮海濱已議加封遣使致祭其路府州縣名山大川聖

帝明王忠臣烈士凡在祀典者各具事蹟申聞次第加封除常祀外

主者施行祿加致祭廟宇損壞官為修葺

○又一欵開國以來効節功臣所封公邑有司立祠以時致祭

○至大四年三月十八日欵奉

登室位詔書內一欵岳鎮海瀆名山大川聖帝明王忠臣烈士凡載祀典者所在正官消吉致祭

○延祐四年閏正月 日欵奉

建儲詔書內一欵岳鎮海瀆名山大川聖帝明王忠臣烈士載在祀典者除常祀外所在長吏擇日致祭

○延祐七年三月 日欵奉

登室位詔書內一欵岳鎮海瀆聖帝明王載在祀典者長吏擇日致祭

明政刑

○大德五年八月 日欽奉

詔書內一款近據賊人段丑厮等妄造妖言煽惑人衆已將同情及聞知不首之人並行處斬妻子籍沒首級單人各与官賞訖其使排門扮壁曉諭告捕者有賞不告者有刑仍令社長里正主管各知官司肅政廉訪司常加体察毋致愚民冒觸刑憲

○大德七年三月 日設立奉使宣撫欽奉

詔書內一款飢荒去處慮有盜賊生發或小民扇惑不安管民官用心撫治務使安靜

○延祐七年五月 日欽奉

聖旨朕肇登大宝祇通

先猷仍圖任於用人庶共新於治效望期邪黨驟蘊私心迹者致黑駝充克哈失列門亦里失八等潛結詭謀撓亂國政既自於於靖固難追於覆誅實伯顏輕侮詔書殊乖臣礼不加懲創曷示等威今已各正典刑籍沒其家於威惟邦國之用刑以清群慝俾人臣之知戒勿蹈匪彝益有衆休予至意故茲詔示想宜知悉

理冤滯

○中統元年五月敕奉

詔書內一款凡有犯刑至死者如州府審問獄成便行処斷則死者不可復生斷者不可後續案牘繁冗須臾決斷方一差誤人命至重悔將何及朕實哀矜今後凡有死刑仰所在官司推問得實具事情始末及斷定招款申宣抵司再行審復無疑呈自聞奏特報処決欽此

○大德八年 日振恤

詔書內一款諸処罪囚仰府政廉訪司分明審錄輕者決之滯者糾之有禁係累年疑而不能決者另具始末及具疑狀申御史其案未詳獄在江南者經由行御史仍自今後所至審錄永爲定例

○大德九年六月 日設監奉使宣抵

詔書內一款見禁罪囚詳加審錄重者依例結案輕者隨即決遣死致冤

○大德八年 月 日恤民

詔書內一款諸処重刑廉訪司官詳加審錄毋致冤滯其有吏人等取受財物侵盜係官外糧爲盜詐偽販息人依例追斷其餘之罪以詔書到日六十七以上減與免五十七以下並行釋免私盜捉獲

者減一半

○大德十年五月十八日欽奉

詔書內一款諸犯罪囚處有寬滯累經差日
多仰各路正官參照舊錄刑政廉訪司詳
加復審應疎決改正者隨
即發遣重囚疾早依例照案疑者申明

○至大二年九月立尚書省欽奉

詔書內一款年歲飢饉良民迫於飢寒冒
刑者多深可憫惻令廉訪
司審錄詳讞重囚疾早依例結案其餘罪
犯如得其情即与斷遣毋致

帝帶

○至大四年三月十八日欽奉

登至但詔書內一款天下之民皆吾赤子苟懷
忠念自有常刑比者尚書
省既忽脫三室奴等織羅煨煉濫殺立獄
兒思蘭等已經昭雪元沒貨產悉還其家
後內外重囚從監察御史
甫政廉訪司審復無寬結案持報省部
詳讞方許奏決

霽恩宥

○至元元年八月十九日欽奉

詔書節文可大赦天下改中統五年為至元年八月十六日昧爽以前除殺祖父母父母不赦外其余罪无輕重悉赦除之

○至元十三年二月平定江南欽奉

詔書內一款婦附已前應犯罪者无問輕重悉從原免官司逋欠並不徵理

○至元二十一年正月初六日欽奉

詔書節該應雜犯重典以下罪悉從釋免自今以始各務維新

○至元三十一年四月欽奉

詔書節詔書節文可大赦天下自四月十五日昧爽以前除殺祖父母父母妻妾殺大奴婢殺主不赦外其余一切罪犯已發竟未發竟已結正未結正罪无輕重悉赦除之敢以赦前事相告者以其罪罪之

○大德元年二月改元欽奉

詔書內一款自大德元年二月二十七日已前除謀殺祖父母父母妻妾殺大奴婢殺主謀故殺人但犯強盜不在原免其余一切罪犯已未發竟者並從釋放侵盜官物及盜賊正賊依例追徵

○大德六年三月 日欽奉

詔書昂文可赦天下自大德六年三月初三日昧爽以前除謀反大逆殺祖父母父母妻妾殺夫奴婢殺主強盜殺人及奸人而殺其所好妻妾之夫者不赦其余一切罪犯咸赦除之敢以赦前事相告者以其罪罪之所告之事勿問

○大德九年六月 日欽奉立

皇太子詔書內一欵諸犯罪囚有淹禁五年以上非謀反逆叛及殺祖父父母者虛實難明疑不能決者釋之

○大德九年六月欽奉

詔書昂文可自大德九年一月二十五日昧爽以前除謀反叛逆殺祖父父母妻妾殺夫奴婢殺主謀殺殺人強盜殺傷重主爲首下手者不赦外爲從非下手者各免死徒一年其餘罪犯已發竟未發竟已結正未結正无論輕重咸赦除之

○大德十年十二月十八日 中書省欽奉

聖旨刑者民間大都上都等側近城子裏有底見禁罪囚每赦放了來外拋行省裏不曾行來不均的一般有如今外処行省所轄路分裏應行底罪囚依先條例各行疎放者

聖旨了此欽此

○大德十一年五月 日欽奉

登坐位詔書節文可大赦天下自五月二十二日昧爽以前除謀殺祖

父母及母妻妾殺夫奴婢殺主不赦其余已發竟未發竟已結正未

結正罪無輕重咸赦除之敢以赦前事相告言者以其罪罪之

○至大元年十一月 日欽奉建中都

詔書節文又念諸路水旱疾疫吏不能奉政民不能自存輕觸刑憲性

性有之朕若臨萬邦恩霈寧有中外遠近之間可赦天下自至大元

年十一月二十五日昧爽以前除殺祖父母父母妻妾殺夫奴婢殺

主不赦外其余已發竟未發竟已結正未結正罪無輕重咸赦除之

敢以赦前事相告言者以其罪罪之

○至大二年十月 日欽奉

詔書節文朕自臨御以來下詔萬方其所以撫安元元者亦已至矣而

前歲江浙飢疫今年蝗旱相仍民或死幸生者流离道路雖寄贖

使分道賑恤終恐未能口到夫既罹是天刑其輕觸憲網者必赦有

司又以重法繩之朕是懼焉其自十月十七日昧爽以前中外罪囚

大辟以下已未發竟並免釋免

○至大三年十月 日欽奉立
皇太后詔書節文自至大三年十月十八日昧爽以前除大辟流刑不赦

外杖罪以下已未發者結正者並從原免

○又條闕三反餘黨未發者並從原免

○至大三年冬十一月二十三日禋祀

南郊詔書節文可自至大四年正月初五日昧爽以前已發者未發者已結正未結正罪無輕重咸赦除之敢以赦前事相告言者以其罪罪之

○至大四年三月十七日 中書省

啓過事內一併前者尚書省官人每正月初五日教行了的

赦書自

世祖皇帝時分不揀那下

赦裏不曾放來的謀反大逆殺祖父母父母叔婢殺主妻妾殺夫的都交放了有這般重罪因每拿的依体例合要罪過有爲這般上到某家官人每俺根底也与他文書來

詔書裏教行呵不宜也者各處以這般不合放的罪囚教拿了依体例要罪過呵怎生啓呵那般者麼道

令旨了也

○至大四年三月 日教奉

祭宇位詔書節文可大赦天下自三月十八日昧爽以前除謀反大逆

殺祖父母父母妻妾殺夫奴婢殺主強盜殺傷事主不赦外其余一切罪犯已發者未發者已結正未結正咸赦除之敢以赦前事相告言者以其罪罪之

○又一條比年詔赦類數事貪民益不知俊畏賊害良善敗亂正理自今以始其各洗心革慮以保厥身非常之恩不可復覩

○皇慶元年十月 日欽奉 諸王八觀

詔書節又自皇慶元年十月二十九日昧爽以前除謀反大逆謀殺祖父母父母妻妾殺夫奴婢殺主及故殺致命但犯強盜偽造空鈔不赦外其余罪犯已發者未發者咸赦除之敢以赦前事相告言者以其罪罪之

○延祐元年正月 日欽奉 改元

詔書節又自延祐元年正月二十二日昧爽以前除謀反大逆謀殺祖父母父母妻妾殺夫奴婢殺主故殺致命但犯強盜偽造空鈔及官吏取受侵盜係官各親不在原免其余一切罪犯已未發者並行釋免○又一欽湖廣雲南邊境諸蠻互相讎殺擄掠人氏如能悔過自新印与免罪

○延祐四年正月初十日欽奉 原罪

詔書節又比者忍失刺年屬幼弱听信儻人謀為不軌擾亂我家以足

加誅有所不忍宜推勝湯之恩開以自新之路可大赦天下自延祐四年正月初十日昧爽以前除殺祖父母父母其常赦所不原者罪無輕重咸赦除之若有避罪逃徙並黨或竄匿民間及漏聚山林者赦書到日限百日内許令出首免本罪限外不首復罪如初敢以赦前事相告言者以其罪罪之

○延祐二年十一月 日鈔奉

詔赦節文可赦天下自延祐二年十一月二十七日昧爽以前除謀反大逆謀殺祖父母父母妻妾殺夫奴婢殺主謀故殺人但犯強盜盜偽造寶鈔不赦外其餘罪犯已發竟未發竟已結正未結正罪無輕重咸赦除之敢以赦前事相告言者以其罪罪之

○延祐七年三月 日鈔奉

詔赦節文可赦天下自延祐七年三月十一日昧爽以前除謀反大逆殺祖父母父母妻妾殺夫奴婢殺主謀故殺人但犯強盜盜印造偽鈔侵盜短少保官各糧不赦外其餘一切罪犯已發竟未發竟已結正未結正罪無輕重咸赦除之敢以赦前事相告言者以其罪罪之

○又欽奉

詔書內一款兩廣云南寺外喃聚賊人契特巢險出沒不常雖蠻荒之俗固然亦由官尉失於威信不能撫懷以致如此詔書到限一百日

內出信自前許免本罪各安其業限外不後依例收捕